



13 de xaneiro de 2011. A Xunta vén de aprobar o Plano de Xestión dos Residuos Sólidos Urbanos 2010-2020 confirmando a aposta do goberno Feijóo pola incineración. Fronte á realidade das cifras que amosan o

[rotundo fracaso de SOGAMA](#)

,
**o novo plano
aposta novamente po
la incineración**

(que chucha o 60% do investimento en infraestruturas e o 48% do orzamento total) cunha nova incineradora no Sur

sine loci

, e a ampliación da de Cerceda. Asemade,

os obxetivos de redución son ridículos

(a crise

económica ten feito máis nestes 2 anos pola redución que a Xunta); e para a

compostaxe

, a Xunta pretende acadar en 2020 a metade da taxa de compostaxe que hoxe teñen as plantas de Nostián e Lousame. Velaí o "grande esforzo" de Feijóo e Hernández: cartos para queimar o lixo -

[a cambio de prebendas eólicas](#)

- agrandando o monstro de SOGAMA, en troques de previr e compostar.

Descargaos

[ALEGACIÓNS e VALORACIÓNS de ADEGA ao PXRUG 2010-2020](#) (57 Kb) A parte

do rato, un 12,5% dos cartos, investiranse en 7 novas plantas de compostaxe e un número indeterminado de "miniplantas" locais, para deste xeito cumprir sobre o papel coa Directiva Marco de Residuos (2008/98). Malia á escandalosa manipulación dalgúns datos no PXRUG (semella, por exemplo que Nostián e Barbanza non reciclan envases!!?, cando en 2008

[triplicaban en porcentaxe a SOGAMA](#)

), a Xunta non pode ocultar que

os sistemas alternativos xa cumpren a día de hoxe os obxectivos de reciclaxe do PXRUG para 2020

. O problema é pois SOGAMA e seu modelo, defendido contra toda lóxica polo PP, que afunde os índices de reciclaxe galegos a niveis de

"Cuen-ta-mé"

...

A

redución

, primeira prioridade e base de calquera sistema de xestión dos RSUs, ten tamén neste

PXRSUG uns obxectivos ben cativos: o 10% no 2020 con respecto aos valores de 2009. Se só a crise económica foi quen de rebaixar a xeración de residuos case nun 1% anual, sen as institucións teren feito nada nen investido un só euro en redución, fixar o obxectivo do 10% para o 2020 gastando 56,1 millóns de € en políticas de prevención, reflicte ben ás claras a ineptitude/ineficacia/desleixo da Xunta por diminuír seriamente a produción de lixo.

Este PXRSUG 2010-2020 ten uns

obxectivos para a compostaxe da materia orgánica

en 2020 do 25%. A día de hoxe, Nostián e sobor de todo Barbanza superan de longo estes obxectivos (43,2% e 44,9% -netos- respectivamente) mentres que SOGAMA e o modelo vertedoiro empatan cun 0%. O mesmo acontece coa recollida selectiva das outras fraccións, p. ex. o vidro: Nostián e Barbanza xa están nos obxectivos de 2020 gañando por goleada a SOGAMA ao igual que no resto das fraccións, malia á "incineración" interesada dos datos sobre recollida de envases de Lousame e Nostián que para a Xunta do PP é practicamente cero en 2009 cando en 2005 (datos do PXRSUG do bipartito) chegaba ao 41%, fronte ao ridículo 10% de SOGAMA. Isto revela que SOGAMA e o seu modelo incineratorio afunde os índices de recollida selectiva e reciclaxe galegos a niveis terceiromundistas, mentres que os dos sistemas alternativos sitúanse en liña ou por riba das previsións máis avanzadas de Europa.

A

incineradora de SOGAMA

está consumindo actualmente máis enerxía da que produce. Segundo a memoria de actividade da compañía en 2008 a incineradora xerou 459.867 Mw e consumiu 507.914 Mw de gas natural para secar a auga dos residuos. Este ruinoso negocio levou a que a nova propietaria de SOGAMA, Gas Natural-U. Fenosa pensara en vender o 49% que ten en SOGAMA. Con tais precedentes, a Xunta pretende que o

capital privado

financie o 82% do orzamento do PXRSUG, en particular outra custosísima incineradora (230 millóns de €, a metade do orzamento total). E todo isto, a cambio de que? Pois está claro: a cambio, por exemplo, de

[megawattios eólicos](#)

.

Finalmente, a

temporalización

das actuacións (posta en marcha das novas instalacións no 2014) fará que *de facto*

este PXRSUG non chegue a aplicarse. A Xunta de Feijóo so quere cumprir o expediente fronte a Europa, dándose por satisfeita co recentemente aprobado "recrecido" do vertedoiro da Areosa en Cerceda: máis lixo enriba do lixo, e tiramos até eleccións de 2013. O mesmo cabe pensar da teima por manter a ubicación da incineradora do sur e demais infraestruturas en segredo: a consigna é evitar abrir máis fronteiras nas rúas e posíbeis repercusións electorais. Como senón pode explicarse tal "secretismo" sobre a ubicación, cando precisamente esta é un dos factores determinantes para a correcta planificación de todo o sistema?

